



REPUBLICA E KOSOVES REPUBLIKA KOSOVA REPUBLIC OF KOSOVO	
AGJENCIA KUNDËR KORRUPSIONIT AGENCIJA PROTIV KORRUPCIJE ANTI-CORRUPTION AGENCY	
Dep. Dep. Dep.	DPKI
Nr. i faq. Broj stranica Nr. pages	03
Nr Prot Br prot Prot No	06-01/3670/22
Data Datum Date	29-08-2022
PRISHTINE	



**Republika e Kosovës**  
**Republika Kosova - Republic of Kosovo**

**AGJENCIA KUNDËR KORRUPSIONIT**  
**AGENCIJA PROTIV KORRUPCIJE**  
**ANTI - CORRUPTION AGENCY**

Në mbështetje të nenit 11, paragrafi 1, nën paragrafi 1.1, nenit 5, paragrafi 1 pika 1.5, nenit 18, paragrafi 10 dhe 11 të Ligjit nr. 03/L-159 për Agjencinë kundër Korrupsionit, si dhe nenit 7 paragrafi 4 të Rregullores nr. 01/2018 për Ndryshimin dhe Plotësimin e Rregullores Nr. 01/2014 dhe Rregullores Nr. 01/2017 të Punës së Agjencisë Kundër Korrupsionit, nenit 29, paragrafi 4 të Ligjit Nr.08/L-017, për Agjencinë për Parandalimin e Korrupsionit, me datë 25.08.2022, Drejtori i Agjencisë Për Parandalimin e Korrupsionit mori:

**V E N D I M**

- I. Mbyllet rasti me nr.*AKK-DPKI-06-2587/22*, për zyrtaren e lartë znj. Adriana Matoshi, Deputete e Kuvendit të Republikës së Kosovës, për shkak të është shmangur gjendja e papajftueshmërisë, përkatësisht konfliktit të interesit në ushtrim të funksionit publik.
- II. Rasti mund të rihapet në çdo kohë në rast se paraqiten rrethana të reja.

**A r s y e t i m**

I. Në rastin e shqyrtuar për konflikt të interesit me numër protokollit AKK-DPKI- 06-2587/22,që për trajtim ka pasur zyrtaren e lartë znj. Adriana Matoshi, Deputete e Kuvendit të Republikës së Kosovës, është zhvilluar procedura e paraparë për trajtimin e situatave të konfliktit të Interesit.

Ky rast ka filluar të trajtohet, sipas detyrës zyrtare pas kontrollit ku është identifikuar se zyrtarja e lartë, respektivisht, Deputete e Kuvendit të Republikës së Kosovës, figuron të jetë pronare dhe person i Autorizuar në biznesin me emër "D.P.H-DISCO CLUB SUMMER STOP".

Agjencia sipas procedurës fillimisht ka verifikuar informacionin duke marrë edhe informacione nga ARBK-ë (Agjencia Për Regjistrimin e Bizneseve), e ku pastaj është konfirmuar se zyrtarja Adriana Matoshi, figuron të jetë pronare edhe person i autorizuar në bizneset privat me emër "D.P.H-DISCO CLUB SUMMER STOP".



Agjencia kundër Korrupsionit, sipas procedurës së paraparë, fillimisht e ka njoftuar zyrtaren e lartë me një shkresë zyrtare për fillimin e shqyrtimit të gjendjes së mundshme të konfliktit të interesit. Pas pranimit të kësaj shkrese zyrtarja Adriana Matoshi, ka kontaktuar me zyrtarët e AKK-së, dhe ka kërkuar që të ketë një takim për tu njoftuar për rastin e iniciuar për të, e ku pastaj në zyrat e AKK-së, është mbajtur edhe një takim informuese, më këtë rast zyrtarët e AKK-së e kanë njoftuar atë me iniciimin e rastit, si dhe e kanë njoftuar se gjatë ushtrimit të funksionit si zyrtare e lartë, nuk mundet që njëkohësisht të ushtroj edhe funksion drejtues, respektivisht, menaxhues në biznesin privat, sepse kjo është e ndaluar me neni 13 (paragrafi 1) të Ligjit nr.06/L-011 për parandalimin e konfliktit të interesit, në të cilën thuhet:

1. *Zyrtari i lartë nuk mund të jetë menaxher, përfaqësues i autorizuar ose anëtar i ndonjë organi menaxhues apo mbikëqyrës i personave juridikë privatë, fitimprurës sipas ligjit përkatës për shoqëritë tregtare dhe organizatave joqeveritare, përjashtuar subjektet e përcaktuara në nenin 14 të këtij ligji, subjektet politike si dhe rastet kur një funksion i tillë i dedikohet me ligj për shkak të funksionit.*

Ndërsa me nenin 19 të Ligjit për parandalimin e konfliktit të interesit parashihen masat për parandalimin dhe zgjidhjen e konfliktit të interesave. Dispozitat e nenit në fjalë përcaktojnë se:

1. *Në ushtrimin e funksionit publik, zyrtari sipas rastit dhe rrethanave:*

*1.1. transferon interesin privat dhe të drejtat në drejtimin e ndërmarrjes sipas përcaktimeve të nenit 15 të këtij ligji; [...];*

*1.3. jep dorëheqjen nga detyrat, funksionet ose veprimtaritë që janë në konflikt ose të papajtueshme me funksionin e tij publik;*

*1.4. dorëhiqet nga funksioni publik.*

Gjatë këtij takimi, të quajtur ndryshe edhe si ballafaqim i fakteve, zyrtarja e lartë, ka deklaruar se biznesi për të cilën behet fjalë ka vite që nuk ka asnjë informacion në lidhje me këtë biznes, duke pas parasysh se me këtë biznes është marr ish burri i saj që tash me nuk ka asnjë lidhje me të.

Sipas dëshmisë së zyrtares, biznesi në fjalë nuk është aktiv, por është zotuar se do të marr veprime të menjëhershme që të heq dorë nga funksioni i personit të autorizuar në këtë biznes apo do të ndërmarr veprime për ta shuar edhe regjistrat e ARBK-së .


Pas komunikimit dhe përpjekjeve nga znj.Matoshi, kemi pranuar njoftimin zyrtar, më Nr.DPKI-06-01/2082-1/22, ku na ka njoftuar se ka ndërmarr veprimet e nevojshme dhe nuk figuron të jetë më person i autorizuar në biznes privat me emër “D.P.H-DISCO CLUB SUMMER STOP”, pasi që ka shuar në mënyrë vullnetare biznesin në fjalë.

Agjencia kundër Korrupsionit, konstaton se me veprimet e ndërmarra dhe dëshmitë e ofruara nga zyrtarja e lartë, znj. Adriana Matoshi, Deputete e Kuvendit të Republikës së Kosovës, duke shuar në mënyrë vullnetare biznesin “D.P.II-DISCO CLUB SUMMER STOP”, janë krijuar rrethana të reja dhe është shmangur gjendja e papajtueshmërisë, përkatësisht konfliktit të interesit në ushtrim të funksionit publik, andaj u vendos si në dispozitiv të këtij vendimi.

II. Në mbështetje të nenit 18, paragrafi 11 të Ligjit nr. 03/L-159 për Agjencinë kundër Korrupsionit, Agjencia mund të rihap rastin në çdo kohë nëse paraqiten rrethana të reja.

Vendimi iu dërgohet:

- Zyrtarit të lartë publik
- Drejtorit të DPKI- së
- Z./znj. (zyrtari përgjegjës)

  
Yll Buleshkaj  
Drejtor i Agjencisë kundër Korrupsionit